
■ SVIZRA

L'eroport a Turitg – in ir e vegnir

(cp) Di e notg è la piazza aviatica a Turitg averta. I dat persunas che lavuran, persunas che viageschan, persunas che prendan cumià e persunas che sa vesan puspè.

Igl e in travasch gia a bun'ura baud a l'eroport da Turitg. Persunas da tut las vegliadetgnas e bleras famiglias èn sin viadi per far il check-in cun lur valischs e gia pronts per las vacanzas cun chautschas curtas, rassas e flip-flops. En in di partan ed arrivaran en media 72 000 passagiers da Turitg. E sch'ins guarda sin las tavlas dals sgols ves'ins ch'i dat insatge per mintgin: Da Mumbai, New York enfin a London, Prag e Paris ed anc bler dapli. En tut sgo lan e sa tschentan 726 eroplans al di.

La piazza aviatica a Turitg è la pli gronda piazza aviatica en Svizra. A l'eroport vala in scumond per sgols da notg. Aviuns sgo lan tranter las 06.00 e las 23.30. En in onn ha la piazza aviatica a Turitg:

26 281 228 passagiers

265 095 sgols

411 780 tonnas chargia

24 000 lavurers al lieu

169 destinaziuns

880 hectaras

60 butias

40 restaurants